

Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. III. Quænam sint radices, unde provenit obligatio restituendi?

urn:nbn:de:hbz:466:1-40673

VIII. Petrus Navar. lib. 4. cap. 4. putat, unum tantummodo peccatum committi ab eo, qui per multum temporis non restituit, si tale peccatum per propositum restituendi non interrumpatur; censer enim actus internos moraliter interrupti per actus contrarios dumtaxat. Sed communior sententia est in contrarium; communiter enim Doctores censent peccatum hoc interrupti moraliter, non solum per actum contrarium, seu per propositum restituendi, sed etiam per hoc, quod non censeatur amplius virtualiter perseverare, sive definat perseverare virtualiter per quamcumque distractionem etiam involuntariam, per somnum, &c., ut multi docent, sive per hoc, quod cesset obligatio restituendi ex aliquo capite, puta ex impotentia, & deinde reviviscat, sive per hoc, quod iterum quis utatur re aliena, aut illam vendat, donet, &c.; vel si appareat novum damnum consurgere creditori ex omissione restitutionis; puta si in carcerem detrudendus sit, eo quod non habeat unde alteri solvat, quod debet; Sic enim haec voluntas causandi novum damnum non continentur moraliter in illo peccato retentionis rei alienae, atque adeo videtur esse novum peccatum in confessione apriendum modo explicato.

ARTICULUS III.

Quænam sint radices, unde provenit obligatio restituendi?

- I. *Duplex est radix, ex qua sequitur obligatio restitutionis, videlicet Injusta acceptio, & Res accepta.*
- II. *Obligatio restitutionis orta ex prima radice injusta acceptio haberi non potest circa actionem damnificativam; secus vero si oriatur ex secunda radice rei accepta.*
- III. *Non cessat obligatio restitutionis ci-*

tra restitutionem, si ea oriatur ex prima radice; potest tamen sine restitutione cessare, si ex secunda radice oriatur.

IV. *Quando oritur onus restitutionis ex prima radice, nullum debet pati damnum damnificatus; quando vero oritur ex secunda, nullum debet pati damnum, qui restituit.*

V. *Sicut non consurgit onus restitutionis ex lesionе iustitia distributiva, Legalis, aut Vindicativa, ita neque ex damnificatione contra alias virtutes a iustitia.*

VI. *Hinc non tenetur ad restitutionem Medicus, si ex incuria agrotum occidat, quando nullo accepto stipendio medetur: Nec Clericus alium inadvertenter occidens vacando venationi prohibita: Nec omittens succurrere extreme indigenti: Nec violans iustitiam legalem.*

VII. *Qui alium inadvertenter infamavit, ubi id advertit, tenetur famam restituere ex titulo iusta acceptio potius, quam rei acceptae.*

VIII. *Judex ad restitutionem tenetur, si pecuniam accipiat pro ferenda sententia iusta, non tamen si accipiat pro ferenda sententia iusta, patrato tali scelere.*

I. **P**ræmitto duas potissimum assignari radices, seu capita, unde pullulat onus restituendi. Prima est iusta acceptio rei alienæ. Secunda est ipsa res aliena accepta, videlicet sine justo titulo. Ratio est, quia restitutio est actus iustitiae commutativæ, ponens æqualitatem inter debitorem, & creditorem; cum autem duabus titulis possit aliquis esse creditor, vel quia iuste aliquid ab eo acceptum est, vel quia eo invito res sua detinetur; ideo duplex datur caput restitutionis, Injusta acceptio, & Res accepta: Quæ tamen capita aliquando etiam concidunt; nam si quis, verbi

gra-

gratia, injuste accipiat equum alienum, & invito domino illum retineat, ex utroque capite tenetur restituere; Quando vero equus post injustam acceptiōnem moritur, tunc sūr tenetur restituere solum ex primo capite injuste acceptiōnis, non vero ex re accepta, cum illam non habeat: Quod si equus in tuum stabulum sine tua culpa transeat, tunc solum teneris restituere ex secundo capite, videlicet ex re accepta, non vero ex injusta acceptiōne. Alii cum Diana assignant tertiam radicem restitutiōnis, videlicet ex contractu injusto, sed hēc ad primam radicem injuste acceptiōnis reducitur: Ex contractu vero justo (sicut etiam ex lege positiva non præsupponente damnificationem injustam) non oritur obligatio restitutiōnis stricte dictæ, ut quando quis debet reddere depositum, aut solvere gabellas, vel pretium rei emptæ, quia in tali casu non habetur compensatiōnē damni illati, ut diximus art. I. Quartam alii radicem recensent, videlicet ex injusta damnificatiōne, quando scilicet pure damnificatur alter sine propria utilitate, verbi gratia occidendo ejus equum, incendendo domum &c.; Hēc autem radix communiter a Theologis cum D. Th. apud Croix n. 18. reducitur ad primam radicem injuste acceptiōnis, quatenus isthac damnificatio est quādam acceptiō, seu subtractiō rei alienæ.

II. Inter has duas radices restitutiōnis multiplex intercedit discrimen: primum est, quod obligatio orta ex injusta acceptiōne haberi non possit sine actione damnificativa, (& quidem externa; nam per meram internam operationem nemo in re damnificatur;) & ideo dicitur esse obligatio ex delicto: Econtra obligatio orta ex re accepta haberi potest sine ulla actione lēsiva, sed præcise per hoc, quod res aliena accepta habeatur sive in se, sive in suo effectu, puta in lu-

cro inde deducto.

III. Secundum discrimen est, quod prior obligatio non cessat nisi posita restitutiōne: Posterior vero cessare potest etiam sine restitutiōne; nam si res accepta apud te inculpabiliter pereat, non teneris restituere; Si tamen illam inculpabiliter consumas, sed per illius consumptionem factus sis ditior; verbi gratia, si comedisti frumentum alienum pro tuo, quia tale frumentum in utilitate allata perseverat, teneris restituere solum illud, in quo factus es ditior, seu quantum consumpsisse de tuo frumento, si non habuisses alienum; Quod si res accepta pereat, postquam sciveris esse alienam, & ex gravi culpa distuleris restituere, teneris ad restitutiōnē ex capite injuste acceptiōnis: nisi tamen eodem modo certo res periret apud dominum, ut infra dicetur.

IV. Tertium discrimen est, quod obligatus ad restitutiōnē ex prima radice tenetur ad illam, etiam cum suo detrimento; secus vero obligatus ex secunda radice. Et ratio est, quia sicut dominus rei nullum subire debet damnum ex injusta tua damnificatiōne, ita tu nullum debes sentire damnum ex re accepta sine tua culpa. Ex quo fit, quod si dominus rei sit absens, teneris restituere rem propriis expensis, si obligaris ad restitutiōnē ex prima radice, prout infra explicabitur: Econtra si obligaris ex secunda radice, satis est, ut moneas dominum de re sua, ut ille suis expensis illam recuperet. His explicatis, quādum ex quādam damnificatiōne, ac deinde in articulo sequenti ex quādam culpa oriatur obligatio restitutiōnis. Ostendimus autem in primo articulo, ex violatione justitiæ distributivæ, Legalis, aut Vindictivæ non oriri hanc obligationem, discussiendum nunc an oriatur ex lēsione aliarum virtutum a justitiæ Commutativa; un-

de prima radix obligans reum ad restitutionem sit solum injusta acceptio, seu damnificatio.

V. Quæritur itaque, An obligatio restituendi consurgat etiam ex damnificatione contra alias virtutes a justitia? Verbi gratia, si quis ex odio Titii illum juste ad mortem damnet, aut occidat, ac bona ejus incendat; Aut si vovens dare eleemosynam Petro, illam deneget, unde Petrus grave damnum subbeat; Aut si quis non impedit homicidium, vel furtum, peccando solum contra charitatem, non contra justitiam, utrum teneatur in his casibus ad restitutionem, quamvis non interfuerit injusta acceptio, seu damnificatio adversus justitiam commutativam?

Respondeo negative cum communi contra Riccard., Cajet., Angel., Gabriel., Valent. disp. 5. quæst. 6. num. 3. Ratio est, quia ex illa virtute oritur obligatio restituendi, cuius virtutis est actus ipsa restitutio; sed restitutio est actus justitiae, & quidem commutativa; ergo ex violatione solum hujus virtutis oritur obligatio restituendi. Major patet. Minor constat ex dictis art. 1. Restitutio enim est compensatio damni illati secundum æquitatem arithmeticam; ergo debet supponere jus strictum in alio, ex cuius lesionе detur obligatio compensationis; hoc autem jus a sola justitia commutativa respicitur; ergo restitutio est aetus solius commutativa; atque adeo sicut non consurgit onus restitutionis ex lesionе justitiae distributivae, Legalis, aut Vindicativa, ita a fortiori ne que ex damnificatione contra alias virtutes a justitia.

VI. Hinc deciduntur innumeri alii casus. Primo enim si ægrotus moratur ex incuria medici, qui nullum stipendum accipit, medicus non tenetur ad restitutionem; quia solum peccavit contra charitatem, non contra

justitiam; contra quam peccaret, si stipendum acciperet; Sicut etiam si promittendo gratis operam suam ægroti, esset causa damni non observando promissum; Nam, ut notat Less. lib. 2. cap. 18. num. 17. quinon observat promissionem, quamvis non teneatur restituere lucrum cessans, tenetur tamen compensare omne damnum emergens, cuius ipse est causa non observando promissum; unde in his casibus ad restitutionem Medicus teneretur.

Secundo, si quis navans operam rei illicitæ, exempli gratia si Clericus navans operam venationi clamorosæ, inculpabiliter occidat hominem putans esse feram, non tenetur ad restitutionem, quia peccavit solum contra obedientiam venando, non contra justitiam occidendo inadvertenter.

Tertio, si quis omittat succurrere extreme indigenti, non tenetur deinde restituere illam eleemosynam denegatam, aut compensare damnum inde securum, quia obligatio succurrendi oriebatur ex charitate, & misericordia, non ex justitia.

Quarto, qui segetem, verbi gratia, ab alio incensam non extinguit, cum commode possit, non tenetur ad restitutionem, quia peccat solum contra charitatem, non contra justitiam, si non sit custos, nec suæ curæ seges sit commendata; Quod si ipse alienam segetem inculpabiliter incendat, & non statim extinguat, cum commode possit, tunc contra justitiam peccat, & ad compensationem damni obligatur, ut docent communiter.

Quinto, si rens legitime interrogatus neget veritatem, unde damnum fisco, vel alteri sequatur, non tenetur ad restitutionem, ut notat Tambur. cap. 2.; quia solum peccat contra justitiam legalem; cum non teneatur ex commutativa justitia dicere veritatem, aut procurare utilitatem aliorum; idem-

demque probabiliter docent Less., Sanch., & alii apud Trull. de Testibus, ut diximus in tractatu de Legibus quæst. ult. art. 3. Nec tenetur ad restitutioñem Judex, qui juste reum condemnat secundum allegata, & probata; quamvis blandis verbis, aliisque modis contra charitatem exhibitis extorserit ab illo confessionem, unde damnetur: Et universim qui iustitiam distributivam, aut legalem, vel vindicativam violat sine violatione commutativa, ad restitutioñem non tenetur, ut ostendimus art. I.

VII. Opponitur ad hæc: Qui aliquem inculpabiliter, aut saltem sine gravi culpa propter inadvertentiam infamavit, ex communi sententia tenetur ad restitutioñem famæ, quando advertit se illum infamasse; atqui ad hanc restitutioñem neque tenetur ex re accepta, cum nihil alterius apud se habeat; neque tenetur ex peccato ullo contra iustitiam, cum supponatur inculpabiliter illum infamasse; ergo falsum est, quod obligatio restitutioñis solum oriri possit ex re accepta, aut ex peccato contra iustitiam, seu ex iusta acceptance.

Respondet Less. cap. 2. dub. 22. hunc ad restitutioñem teneri ex re accepta, quia infamator retinet quodammodo famam alienam, cum in aliorum mentibus pravam opinionem inculpabiliter ingestam relinquit. Equidem respondeo cum Lug. disp. 15. detractorem in tali casu non teneri ad restitutioñem ex re accepta; quia fama nullo modo potest dici quod sit apud detractorem, cum per detractionem extinguatur; sed teneri ex iusta acceptance; non quia peccaverit contra iustitiam, quando inadvertenter infamavit, sed quia peccat contra iustitiam, si advertendo ad damnum inculpabiliter illatum, non statim illud resarciat: Ac similiter qui inculpabiliter incendit domum alterius,

ubi advertit ad damnum inculpabiliter illatum, tenetur statim illud imprimere pro viribus, ne ulterius prosequatur; & si non curet incendium extinguere, tenetur ad restitutioñem ex titulo iusta acceptanceis, seu damnificationis, quia scilicet non impediendo damnum inculpabiliter illatum, seu non extinguendo statim, quantum potest, incendium, peccat tunc contra iustitiam.

VIII. Ex dictis sequitur decisio celebris illius dubii, de quo agemus quæst. 3. art. 1. An scilicet accepta ob turpem causam sint restituenda? Dicendum enim restituenda esse, si traditio, vel acceptio rei sit contra iustitiam, secus vero si sit contra alias virtutes: Quare, verbi gratia, restituendum est quod recipit Judex ad ferendam justam sententiam & quod recipit Episcopus ad conferendum simoniace beneficium; sicut etiam quando filius familias, aut fui donant rem non suam. Contra vero non tenetur ad restitutioñem Judex, qui recipit pecuniam ad ferendam sententiam iustam post patratum tale scelus; aut qui aliquid recipit ad se inebriandum, ad fornicandum, ad confingendum, &c., ut explicabimus in loco.

ARTICULUS IV.

Ex quanam culpa contra iustitiam oriatur obligatio Restitutioñis?

I. Culpa alia est Theologica, alia Juridica, & illa vel mortalis, vel venialis, sive ex parvitate materia, sive ex imperfecta deliberatione; Hac vero vel lata, vel levissima.

II. Ad contrahendam obligacionem restitutioñis requiritur culpa Theologica contra iustitiam commutativam: Lata culpa juridica dicitur trahere onus restitutioñis, quatenus rati-